


客語國學讀本

附錄 (一) 三字經

(二) 十大天誠

(三) 生命之寶

增廣昔時賢文



❀ 目 錄 ❀

一 發 行 感 言

1

二 增 廣 昔 時 賢 文

3

三 附 錄 (一) 三 字 經

20

四 附 錄 (二) 十 大 天 誠

25

五 附 錄 (三) 生 命 之 寶

26



客家文化源流遠
飲水思源根莫忘



發行感言

近年來，由於工商的發達，物質生活的提昇，人的價值觀、人生觀，漸以金錢、名利、地位為導向，把為人處世的一些重要法則與規範，置之於後，以致人心空虛，社會、家庭脫序，實在令人擔憂！

而客家族群在這大環境中，很多有心之士，不斷呼籲要大家重視客家文化與母語之保存，使後代子孫能得到文化的薰陶，立足於人生的舞台上。

在一次偶然的機會中，發現峨眉鄉有兩位民間藝人，他們是洪阿添與洪添福兄弟，這兩位老先生說唱俱佳，其中令人最感興趣的是，他們把客語「三字經」以及改編之「增廣昔時賢文」唸的朗朗上口、抑揚頓挫，實在美極了！而且內容精闢，充滿先人的智慧與教訓，可以做我們現代人生活的指南。另外，本書除了附錄「三字經」外，再加上「十大天誡」與「生命之寶」合為四篇，希望大家對人生中真實的愛與生命也能夠有所啓迪。


今天本書能夠與客語海陸、四縣腔兩種錄音帶同時來發行，除了要感謝新竹縣政府、新竹社會教育館、峨眉鄉公所의 指導之外，也要感謝洪阿添及洪添福兩位老先生的主講、新竹縣議會何松旺議員及峨眉社教工作站、峨眉文史工作室、台北友人李瑞章先生的協助、永聖音樂工作室的錄音、天路美工設計社及日升電腦打字的排版，才能使本書與錄音帶順利呈現在各位面前，若有疏漏之處，尚祈各位先進多多指正。惟願我們鄉親父老、兄弟姐妹，在讀了本書、聽過錄音帶之後，不但能讀、能悟，更能實踐其中的法則，使我們的生活更有目標，生命更有意義。



范秉添敬上

中華民國八十四年十月廿五日
光復節于峨眉

增廣昔時賢文



昔時賢文，誨汝諄諄。集韻增廣，多見多聞。觀今宜鑒古，無古不成今。

知己知彼，將心比心。酒逢知己飲，詩向會人吟。相識滿天下，知心能幾人。

相逢好似初相識，到底終無怨恨心。近水知魚性，近山識鳥音。

易漲易退山溪水，易反易覆小人心。運去金成鐵，時來鐵成金。

讀書須用意，一字值千金。逢人且說三分話，未可全拋一片心。

有意栽花花不發，無心插柳柳成蔭。畫虎畫皮難畫骨，知人知面不知心。

錢財如糞土，仁義值千金。流水下灘非有意，白雲出岫本無心；

當時若不登高望，誰信東流海樣深。路遙知馬力，事久見人心。

兩人一般心，有錢堪買金；一人一般心，無錢堪買針。

相見易得好，久住難爲人。馬行無力皆因瘦，人不風流只爲貧。

饒人不是痴漢，痴漢便不饒人。是親不是親，非親卻是親。

美不美，鄉中水；親不親，故鄉人。鶯花猶怕春光老，豈可教人枉度春。

相逢不飲空歸去，洞口桃花也笑人。紅粉佳人休便老，風流才子莫教貧。

在家不會迎賓客，出外方知少主人。黃金無假，阿魏無真。

客來主不顧，應恐是痴人。

貧居鬧市無人識，富在深山有遠親。誰人背後無人說，那個人前不說人。

有錢道真語，無錢語不真。不信但看筵中酒，杯盃先敬有錢人。

鬧裡有錢，靜處安身。來如風雨，去似微塵。

長江後浪催前浪，世上新人躋舊人。近水樓臺先得月，向陽花木早逢春。

古人不見今時月，今月曾經照古人。先到爲君，後到爲臣。

莫道君行早，更有早行人。莫信直中直，須防仁不仁。

山中有直樹，世上無直人。自恨枝無葉，莫怨太陽偏。

大家都是命，半點不由人。一年之計在於春，一日之計在於寅；

一家之計在於和，一生之計在於勤。責人之心責己，恕己之心恕人。

守口如瓶，防意如城。寧可負我，切莫負人。積善成名，積惡滅身。

再三行善事，第一莫欺心。虎生猶可近，人熟不堪親。

來說是非者，便是是非人。遠水難救近火，遠親不如近鄰。

有錢有酒多兄弟，急難何曾見一人。人情似紙張張薄，世事如棋局局新。

山中也有千年樹，世上難逢百歲人。力微休負重，言輕莫勸人。

無錢休入眾，遭難莫尋親。平生莫作皺眉事，世上應無切齒人。

士者國之寶，儒爲席上珍。若要斷酒法，醒眼看醉人。

求人須求大丈夫，濟人須濟急時無。渴時一滴如甘露，酒後添盃不如無。

久住令人賤，貧來親也疏。酒中不語真君子，財上分明大丈夫。

謀事在人，成事在天。積金千兩，不如明解經書。

養子不教如養驢，養女不教如養豬。有田不耕倉廩虛，有書不讀子孫愚；

倉廩虛兮歲月乏，子孫愚兮禮義疏。同君一夜話，勝讀十年書。

人不通古今，馬牛如裾襟。茫茫四海人無數，那個男兒是丈夫。

白酒釀成延好客，黃金散盡爲收書。救人一命，勝造七級浮屠。

城門失火，殃及池魚。庭前生瑞草，好事不如無。欲求生富貴，須下死工夫。百年成之不足，一旦壞之有餘。人心似鐵，官法如爐。善化不足，惡化有餘。水太清則無魚，人太緊則無智。知者減半，省者全無。在家由父，出嫁從夫。痴人畏婦，賢女敬夫。是非終日有，不聽自然無。

寧可正而不足，不可邪而有餘。寧可信其有，不可信其無。

竹籬茅舍風光好，道院僧房總不如。命裡有時終須有，命裡無時莫強求。

道院迎仙客，書堂隱相儒。庭栽棲鳳竹，池養化龍魚。

結交須勝己，似我不如無。但看三五日，相見不如初。

人情似水分高下，世事如雲任捲舒。會說說都是，不會說無禮。

磨刀恨不利，刀利傷人指；求財恨不多，財多害人己。

知足常足，終身不辱；知止常止，終身不恥。有福傷財，無福傷己。

差之毫釐，失之千里。若登高必自卑，若涉遠必自邇。三思而行，再思可矣。

使口不如自走，求人不如求己。小時是兄弟，長大各鄉里。

妒財莫妒食，怨生莫怨死。人見白頭嗔，我見白頭喜；

多少少年亡，不到白頭死。牆有縫，壁有耳；好事不出門，惡事傳千里。

賊是小人，智過君子。君子固窮，小人窮斯濫矣。貧窮自在，富貴多憂。

不以我爲德，反以我爲仇。寧向直中取，不可曲中求。

人無遠慮，必有近憂。知我者爲我心憂，不知我者爲我何求。

晴乾不肯去，直待雨淋頭。成事莫說，覆水難收。

是非只因多開口，煩惱皆因強出頭。忍得一時之氣，免得百日之憂。

近來學得烏龜法，得縮頭時且縮頭。懼法朝朝樂，欺公日日憂。
人生一世，草生一春。白髮不隨人而去，看來又是白頭翁。

月到十五光明少，人到中年萬事休。兒孫自有兒孫福，莫把兒孫作馬牛。

人生不滿百，常懷千歲憂。今朝有酒今朝醉，明日愁來明日憂。

路逢險處難迴避，事到頭來不自由。藥能醫假病，酒不解真愁。

人平不語，水平不流。一家養女百家求，一馬不行百馬憂。

有花方酌酒，無月不登樓。三杯通大道，一醉解千愁。

深山畢竟藏猛虎，大海終須納細流。惜花須檢點，愛月不梳頭。

大抵選他肌骨好，不敷紅粉也風流。受恩深處宜先退，得意濃時便可休；

莫待是非來入耳，從前恩愛反爲仇。留得五湖明月在，不愁何處下金鈎。

休別有魚處，莫戀淺灘頭。去時終須去，再三留不住。

忍一句，息一怒，饒一著，退一步。三十不豪，四十不富，五十將相尋死路。生不認魂，死不認屍。父母恩深終有別，夫妻義重也分離。

人生似鳥同林宿，大限來時各自飛。人善被人欺，馬善被人騎。

人無橫財不富，馬無夜草不肥。人惡人怕天不怕，人善人欺天不欺。

善惡到頭終有報，只爭來早與來遲。黃河尚有澄清日，豈可人無得運時。

得寵思辱，安居慮危。念念有如臨敵日，心心常似過橋時。

英雄行險道，富貴似花枝。人情莫道春光好，只怕秋來有冷時。

送君千里，終須一別。但將冷眼看螃蟹，看你橫行到幾時。

見事莫說，問事不知；閒事莫管，無事早歸。

假饒染就真紅色，也被旁人說是非。善事可作，惡事莫爲。

許人一物，千金不移。龍生龍子，虎生豹兒。

龍遊淺水遭蝦戲，虎落平陽被犬欺。一舉首登龍虎榜，十年身到鳳凰池。

十年窗下無人問，一舉成名天下知。酒債尋常何處有，人生七十古來稀。

養兒待老，積穀防饑。雞豚狗彘之畜，無失其時，數口之家，可以無饑矣。

常將有日思無日，莫把無時當有時。時來風送滕王閣，運去雷轟薦福碑。

入門休問榮枯事，觀看容顏便得知。官清書吏瘦，神靈廟祝肥。

息卻雷霆之怒，罷卻虎狼之威。饒人算之本，輸人算之機。

好言難得，惡語易施。一言既出，駟馬難追。

道吾好者是吾賊，道吾惡者是吾師。路逢險處須當避，不是才人莫獻詩。

三人同行，必有我師焉，擇其善者而從之，其不善者而改之。

少年不努力，老來徒傷悲。人有善願，天必佑之。

莫喫卯時酒，昏昏醉到酉；莫罵酉時妻，一夜受孤恚。種麻得麻，種豆得豆。

天眼恢恢，疏而不漏。見官莫向前，做客莫在後。寧添一斗，莫添一口。

螳螂捕蟬，豈知黃雀在後。不求金玉重重貴，但願兒孫個個賢。

一日夫妻，百世姻緣；百世修來同船渡，千世修來共枕眠。

殺人一萬，自損三千。傷人一語，利如刀割。

枯木逢春猶再發，人無兩度再少年。未晚先投宿，雞鳴早看天。

將相頂頭堪走馬，公侯肚裡好撐船。富人思來年，貧人思眼前。

世上若要人情好，除去物件莫取錢。死生有命，富貴在天。

擊石原有火，不擊乃無煙；人學始知道，不學亦徒然。

莫笑他人老，終須還到老。但能依本分，終身無煩惱。

君子愛財，取之有道；貞婦愛色，納之以禮。

善有善報，惡有惡報；不是不報，日子未到。人而無信，不知其可也。

一人道好，千人傳實。凡事要好，須問三老。若爭小可，便失大道。

年年防饑，夜夜防盜。學者如禾如稻，不學者如蒿如草。

遇飲酒時須飲酒，得高歌處且高歌。因風吹火，用力不多。

不因漁父引，怎得見波濤。無求到處人情好，不飲從他酒價高。

知事少時煩惱少，識人多處是非多。入山不怕傷人虎，這怕人情兩面刀。

強中自有強中手，惡人須用惡人磨。會使不在家豪富，風流不用著衣多。

光陰似箭，日月如梭。天時不如地利，地利不如人和。

黃金未爲貴，安樂值錢多。世上萬般皆下品，思量惟有讀書高。

世間好語書說盡，天下名山詩佔多。爲善最樂，爲惡難逃。

羊有跪乳之恩，鴉有反哺之義。你急他未急，人閒心不閒。

隱惡揚善，執其兩端。妻賢夫禍少，子孝父心寬。既墜釜甑，反顧無益。

反覆之水，收之實難。人生知足何時足，人老偷閒且是閒。

但有綠楊堪繫馬，處處有路透長安。

見者易，學者難；莫將容易得，便作等閒看。

用心計較般般錯，退步思量事事難。道路各別，養家一般。

從儉入奢易，從奢入儉難。知音說與知音聽，不是知音莫與彈。

點石化爲金，人心猶未足。信了肚賣了無。他人睨睨，不涉你目；

他人碌碌，不涉你足。誰人不愛子孫賢，誰人不愛千筒粟。

奈五行不是這般題目。莫把真心空計較；兒孫自有兒孫福。

與人不和，勸人養鵝；與人不睦，勸人架屋。但行好事，莫問前程。

河狹水急，人急計生。明知山有虎，莫向虎山行。路不行不到，事不爲不成。

人不勸不善，鐘不打不鳴。無錢方斷酒，臨老始看經。

點塔七層，不如暗處一燈；萬事勸人休瞞昧，舉頭三尺有神明。

但存方寸地，留與子孫耕。天有不測風雲，人有旦夕禍福。

惺惺常不足，懞懞作公卿。眾星朗朗，不如孤月獨明。兄弟相害，不如自生。

合理可作，小利莫爭。牡丹花好空入目，棗花雖小結實成。

欺老莫欺少，欺人心不明。隨分耕鋤收地利，他時飽暖謝蒼天。

得忍且忍，得耐且耐；不忍不耐，小事成大。相論逞英雄，家計漸漸退。

賢婦令夫貴，惡婦令夫敗。一人有慶，兆民咸賴。人老心未老，人窮志不窮。

人無千日好，花無百日紅。殺人可恕，情理難容。

乍富不知新受用，乍貧難改舊家風。座上客常滿，杯中酒不空。

屋漏更遭連夜雨，行船又被打頭風。筍因落籜方成竹，魚爲奔波始化龍。

記得少年騎竹馬，看看又是白頭翁。禮義生於富足，盜賊出於貧窮。

天上眾星皆拱照，世間無水不朝東。君子安貧，達人知命。

忠言逆耳利於行，良藥苦口利於病。順天者存，逆天者亡。

人爲財死，鳥爲食亡。夫妻相和合，琴瑟與笙簧，有兒貧不久，無子富不長。

善必壽考，惡必早亡。爽口食多偏作病，快心事過恐生殃。

富貴定要安本分，貧窮不必枉思量。畫水無風空作浪，繡花雖好不聞香。

貪他一斗米，失卻半年糧；爭他一腳豚，反失一肘羊。

龍歸晚洞雲猶濕，麝過春山草木香。平生只會量人短，何不回頭把自量。

見善如不及，見惡如探湯。人貧志短，馬瘦毛長。自家心裡急，他人未知忙。

貧無達士將金贈，病有高人說藥方。觸來莫與說，事過心清涼。

秋至滿山多秀色，春來無處不花香。凡人不可貌相，海水不可斗量。

清清之水爲土所防，濟濟之士爲酒所傷。

高草之下或有蘭香，茅茨之屋或有公王。無限朱門生餓殍，幾多白屋出公卿。

醉後乾坤大，壺中日月長。萬事命已定，浮生空自忙。

千里送毫毛，寄物莫寄失。一人傳虛，百人傳實。世事明如鏡，前程暗似漆。

人生一世，如駒過隙。良田萬頃日食一升，大廈千間夜眠八尺。

千經萬典，孝義爲先。一字入公門，九牛拖不出。

衙門八字開，有理無錢莫進來。富從升合起，貧因不算來。

家中無才子，官從何處來。萬事不由人計較，一身都是命安排。

急行慢行，前程只有多少路。人間私語，天聞若雷；暗室虧心，神目如電。

一毫之惡，勸人莫作；一毫之善，與人方便。虧人是禍，饒人是福；

天眼恢恢，報應甚速。聖賢言語，神欽鬼伏。人各有心，心各有見。

口說不如身逢，耳聞不如目見。養軍千日，用在一朝。

國清才子貴，家富小兒驕。利刀割體痕易合，惡語傷人恨難消。

公道世間惟白髮，貴人頭上不曾饒。有錢堪出眾，無衣懶出門。
爲官須作相，及第必爭先。苗從地發，樹向枝分。


父子和而家不退，兄弟和而家不分。官有正條，民有私約。

三年水流東，三年水流西。幸生太平無事日，恐逢年老不多時。

國亂思良將，家貧思賢妻。池塘積水須防旱，田地深耕足養家。

根深不怕風搖動，樹正無愁月影斜。

奉勸君子，各宜守己。只此呈示，萬無一失。



附錄 (一) 三字經



人之初，性本善；性相近，習相遠；苟不教，性乃遷；教之道，貴以專。
昔孟母，擇鄰處；子不學，斷機杼。竇燕山，有義方；教五子，名俱揚。
養不教，父之過；教不嚴，師之惰。子不學，非所宜；幼不學，老何爲。
玉不琢，不成器；人不學，不知義。爲人子，方少時；親師友，習禮儀。
香九齡，能溫席；孝於親，所當執。融四歲，能讓梨；弟於長，宜先知。
首孝弟，次見聞；知某數，識某文。一而十，十而百；百而千，千而萬。
三才者，天地人；三光者，日月星；三綱者，君臣義；父子親，夫婦順。
曰春夏，曰秋冬；此四時，運不窮。曰南北，曰西東；此四方，應乎中。
曰水火，木金土；此五行，本乎數。曰仁義，禮智信；此五常，不容紊。

稻粱菽，麥黍稷；此六穀，人所食。馬牛羊，雞犬豕；此六畜，人所飼。曰喜怒，曰哀懼；愛惡欲，七情具。匏土革，木石金；絲與竹，乃八音。高曾祖，父而身。身而子，子而孫；自子孫，至玄曾；乃九族，人之倫。父子恩，夫婦從；兄則友，弟則恭。長幼序，友與朋。君則敬，臣則忠。此十義，人所同；凡訓蒙，須講究。詳訓詁，明句讀。爲學者，必有初。小學終，至四書。論語者，二十篇；群弟子，記善言。孟子者，七篇止；講道德，說仁義。作中庸，乃孔伋；中不偏，庸不易。作大學，乃曾子；自修齊，至平治。孝經通，四書熟；如六經，始可讀。詩書易，禮春秋；號六經，當講求。有連山，有歸藏，有周易，三易詳。有典謨，有訓誥，有誓命，書之奧。我周公，作周禮；著六官，存治體。大小戴，註禮記；

述聖言，禮樂備。曰國風，曰雅頌；號四詩，當諷詠。詩既亡，春秋作；寓褒貶，別善惡。三傳者，有公羊，有左氏，有穀梁。經既明，方讀子；撮其要，記其事。五子者，有荀揚，文中子，及老莊。經子通，讀諸史；考世系，知終始。自羲農，至黃帝；號三皇，居上世。唐有虞，號二帝；相揖遜，稱盛世。夏有禹，商有湯，周文武，稱三王。夏傳子，家天下，四百載，遷夏社。湯伐夏，國號商，六百載，至紂亡。周武王，始誅紂，八百載，最長久。周轍東，王綱墜；逞干戈，尚游說。始春秋，終戰國；五霸強，七雄出。嬴秦氏，始兼併，傳二世，楚漢爭。高祖興，漢業建，至孝平，王莽篡；光武興，爲東漢，四百年，終於獻。魏蜀吳，爭漢鼎，號三國，迄兩晉。宋齊繼，梁陳承，爲南朝，都金陵。北元魏，分東西，

宇文周，與高齊；迨至隋，一土宇，不再傳，失統緒。唐高祖，起義師，除隋亂，創國基；二十傳，三百載；梁滅之，國乃改。梁唐晉，及漢周，稱五代，皆有由。炎宋興，受周禪，十八傳，南北混。遼與金，皆稱帝。元滅金，絕宋世，輿圖廣，超前代；九十年，國祚廢。太祖興，國大明，號洪武，都金陵；迨成祖，遷燕京，十六世，至崇禎；權闖肆，寇如林；李闖出，神器焚。清順治，據神京，至十傳，宣統遜。革命興，意氣雄，廢帝制，效大同，舉總統，共和成，復漢土，民國興。古今史，全在茲，載治亂，知興衰。讀史者，考實錄，通古今，若親目。口而誦，心而惟；朝於斯，夕於斯。昔仲尼，師項橐；古聖賢，尚勤學。趙中令，讀魯論；彼既仕，學且勤。披蒲編，削竹簡；彼無書，且知勉。頭懸梁，錐刺股；

彼不教，自勤苦。如囊螢，如映雪；家雖貧，學不輟。如負薪，如掛角；身雖勞，猶苦卓，蘇老泉，二十七，始發憤，讀書籍；彼既老，猶悔遲，爾小生，宜早思。若梁灝，八十二，對大廷，魁多士。彼既成，眾稱異；爾小生，宜立志。瑩八歲，能詠詩；泌七歲，能賦碁。彼穎悟，人稱奇。爾幼學，當效之。蔡文姬，能辨琴；謝道韞，能詠吟。彼女子，且聰敏；爾男子，當自警。唐劉晏，方七歲；舉神童，作正字；彼雖幼，身已仕；爾幼學，勉而致；有爲者，亦若是。犬守夜，雞司晨；苟不學，曷爲人。蠶吐絲，蜂釀蜜；人不學，不如物。幼而學，壯而行；上致君，下澤民。揚名聲，顯父母；光於前，裕於後。人遺子，金滿籩；我教子，惟一經。勤有功，戲無益，戒之哉，宜勉力。

附錄 (二) 十大天誠

第一誠 主無兩 第二誠 莫拜像

第三誠 主名敬 第四誠 安息聖

第五誠 孝雙親 第六誠 莫殺人

第七誠 莫好色 第八誠 莫做賊

第九誠 莫妄談 第十誠 莫貪婪

十條誠 其大意 總而言 一愛字

一愛神 無可比 二愛人 如自己



附錄 (三) 生命之寶

天上寶日月星辰	地上寶五穀金銀
國需寶正直忠臣	家需寶孝子賢孫
黃金白玉非爲寶	只有生命一世閑
百歲三萬六千日	若無生命最可憐
來時糊塗去時亡	空度人間夢一場
口中吃盡百和味	身上穿成朝服衣
五湖四海爲上客	如何落在帝王家
世間最大爲生死	白玉黃金也枉然
淡飯清粥充一飢	錦衣那著幾千年
天門久爲初人閉	福路全是聖子通
我願接受神聖子	兒子名分得永生

清康熙書



《免費贈送》

發行單位：大隘客家社會服務中心
指導單位：新竹縣政府

新竹社會教育館
峨眉鄉公所

錄製單位：永聖音樂工作室
承印單位：日升電腦打字

中華民國八十四年十月廿五日

光復節初版